

如法受持  
食言餘


己未夏五  
張壽題

日  
正  
統  
十  
年  
自  
來  
水

己未五月  
仿聚珍版

如法受持館詩餘小引

士至欲以文字傳其志亦大可哀已况復所志在吳歛  
殘山賸水南唐史自從亞子困伶官協律諸郎散江涘  
人人握瑾家懷瑜遂謂沱潛發正始詞綜詞律皆南人  
古音反陋中州士尤怪鬢眉莽莽塵幽并豪客被嚇死  
我本頽然自放身得句卽將書繭紙淒涼噍殺兩失之  
感時傷遇不由己若還黃鐘定中聲此種自然銷滅矣  
天津張克家題時己未夏四月一日



如法受持館詩餘

天津張克家仲佳著

春宵曲

笑口如樊素纖腰似小喬  
暗裏眼相招欲留留不得  
馬嘶驕

摘得新

風一林誰家小婦  
礎凍檐冰箸  
坼夜沈沈輪蹠  
旅客驚殘夢起鄉心

碧窗夢

岸轉風帆穩  
檐低酒旆平  
子規煙裏一舟橫  
不飲流光

嗚我莫杯停

瀟湘神

沽水流沽水流之元水匯大隄頭三里直河開不盡可  
憐妃子夢中愁

桂殿秋

磨一劍挂中庭頭顱幾許飲寒星未諳黃雀螳螂喻只  
有鷓鴣腐鼠驚

擣練子

情密密意雙雙小鹿心頭不住撞欲解羅襟清睡穩狸  
奴瓦上使人雙

江南春

衣窄窄髻鬆鬆雙輪馳若鶩四盞燭猶龍如何覲面匆  
忙去催場上今交十一鐘

法駕導引

佳期誤佳期誤好事盼和諧花影一簾人不至杏樓妝  
罷卸鈿釵鬼卦鳳頭鞵

一夜落

夜雨驟檐前溜薄寒衾枕風吹透挑鐙那復眠坐聽眉  
頻皺眉頻皺正是愁時候

憶王孫



十三樓畔捉迷藏默記闌干第五行雪白羅衫是粉郎  
笑郎當郎喫新茶送夕陽

如夢令

嫋嫋上山僧磬曲曲下山松徑迢遞數歸程幾日儂家  
千乘蹭蹬蹭蹬消受滿林清聽

天仙子

熠燿容光生鬢髮玉膚輝映船頭月估帆昨夜去浮梁  
輕言別情斷絕荻葉荻花秋鴈咽

思帝鄉

一紙書秋風鴻雁扶儂到江洲沙畔甚工夫記得昨宵

夢見渺愁予將欲從頭說總模黏

連理枝

磔磔髻如彙閃閃睛含碧短服勁裝鈎輶格桀鯨吐鼈  
擲那有溫柔意倚闌纔見紅裙匿迹

水晶簾

碧天如幕月初三也纖纖也彎彎畫屏深處女伴鬪眉  
尖屈指到團圓十五重見一鏡開險

望江怨

清江水跨上金鱗赤色鯉一霎行千里小樓深處雕闌  
裏嗔和喜好夢不歸來甘爲多情死

長相思

花白頭烏白頭花鳥爭妍未是秋如何看鏡羞  
今一邱古一邱綠鬢蒼顏總似漚到時休便休

一痕沙

錦簇花團輕幃雙馬如飛莎阪墜珥不須停玉瓏玲  
前日學堂見慣今日教堂覲面金戒半消磨奈卿何

減字木蘭花

遠山如畫送眼一泓秋水賣十四年華妒煞昭陽姊妹  
花背人彈淚墮落紅塵無意思暗解羅裙縛作風帆  
上白雲

好事近

好事隔紅繩流水一灣清淺西風不知儂意送檀郎帆  
轉從教芳訊阻三年情思難消遣欲寄一封書去又  
瞢騰心嬾

秦樓月

腰肢鞞慙慙一病新來可新來可樓頭柳色遠煙橫鎖  
眠依淨土跏趺坐欲除煩惱須無我須無我慈航寶  
筏臨流回柁

阮郎歸 窗前海棠謝填此慰之

昨宵風雨戰牆西海棠花亂飛曉窗慵起柳煙迷玉容

春化泥 憐寂寞悵分離封姨伴不知返魂更上最高  
枝青青結子時

三字令

新月白晚霞朱上鐙初湘簾下桃笙鋪燼煙霏香細細  
透窗疏 紅印臉粉凝膚夢魂蘇驅蠹拂枕函隅眼微  
惺眉欲語有情無

人月圓

兒書不用交流電無綫亦虛玄離魂倩女尋尋覓覓飛  
落郎邊 多應有夢夢中見了人月同圓老鴉偏噪腸  
迴九轉夢裏雲山

攤破浣溪沙

荔葉陰陰綠滿筵  
晚涼風細送通街  
丫髻雛鬟先失笑  
賣花來 綠襯牡丹憐  
玉影黃攬舊葡萄  
落香埃 一半瓶中  
一半翦上金釵

賀聖朝

豆棚缺處團焦獨  
綠茸茸眠鹿石橋  
橫路二分楊柳三分  
修竹 春來春去無  
榮辱 點對麻姑籙  
芒屨棕笠楚風吳  
雨纔歸天目

朝中措

斧聲燭影鎮搖紅  
藝祖禪文宗看取  
螭雄末路能消幾

个春冬 鶯鶯燕燕朝朝暮暮劇散場空贏得齊桓內  
嬖須防出戶尸蟲

那堪拍鄰歎蹉跎粲粲鬢毛皤大長蠻夷趙尉饒他歲  
月如梭 鋸人夾板請君入甕老子婆娑充戶常流碧  
血何知柱國閻羅

陽臺夢 魚囊牡丹

釣鼈人去竿兒在雨淋日炙經千載餘鯉化盡發幽香  
又高低蓓蕾 漢皋排一一將解羅襦有待遊蜂閒蝶  
總相知怕恨天情海

又 磬口蠟梅

傳聞梅尉神仙去藥鑪茶鼎迷煙霧卻留金磬在枝頭  
放教凡眼覷無聲圓箇箇爲厭人閒聒絮有時風送  
好香來是木犀禪歟

惜分飛

布帳紙屏清夜冷居士枯禪入定莫夢安槐境更無福  
分鴛鴦竝歎此日根因未淨尙有詩愁酒病婢作夫  
人請且姑待他年高興

望江東

不著青衣著青履更著箇鸚哥紫衝泥踏月謝橋幾再  
不似金蓮矣香風一陣諸姑姑姊相調笑黃塵裏新裁



鞞鞞薄於紙乞乞驕羅綺

南柯子

寂寂槐花徑喃喃貝葉經連朝不見許飛瓊恰好小樓  
明月正吹笙 雁陣橫銀漢鸞驂下玉京一聲嘹亮一  
聲情飛出禪關綿邈動心旌

李嶠眞才子新翻水調歌諸郎扈蹕入煙蘿懊惱催花  
羯鼓變鳴鼉 斷棧愁雲隔蠶叢淚雨多雪衣明惠念  
彌陀吉了不知南內是南柯

醉紅妝

秋江漠漠影橫飛飽菰蒲早雁歸相呼休近釣魚磯人

心險敢忘機 橫塘舊迹認春泥  
衡陽路數行期更有 燕山書欲寄  
勤護惜莫乖違

浪淘沙 唐花牡丹

舊是洛陽花 移種官衙先開畢竟讓京華  
應記沈香亭畔路 豔羨宮娃 春事尙遲些  
火裏生涯青蓮一樣長 萌芽好過嫩寒時候也  
還要籠紗

虞美人

邊風吹入龜茲樂 散序人閒落卻勞法善  
破天荒幻出 彩雲舒卷到遐方 甘涼未醒遊仙夢  
只是新聲重李 摹牆外記分明 可似蒼黃蜀道雨淋鈴

一翦梅

勺藥花開尺許圍到眼芳菲謝客柴扉抽簪細數蕊紛  
披生小蜂兒飛上人衣 折取和煙帶雨歸煙也霏霏  
雨也絲絲多嬌湫澹淚猶垂纔說楊妃又似梅妃

蜨戀花 玉簪

玉女洗頭盆既倒賸粉零脂覓去聲香杳老樹唬鴉人  
起早遺簪卻在牆根掉 看去羣誇顏色好入手芳芬  
欲寄無青鳥留伴五更清夢穩屏風不羨梅花繞

醉春風

開罷茶蘼候無計消永晝雙雙條脫不從前瘦瘦瘦壓

骨成勞低回玉腕那能將就  
閒卻搦箏手嬾解連環  
扣熏鑪揭起試添香透透透一縷青煙隨風蕩漾繞人  
衫袖

青玉案 紀事

不知春向何方去只把祁寒留住熟食清明都過了輕  
裘料峭欲晴還雨翻覆天無主 客來說過楊邨路滕  
六施威布雷鼓又霰顆前驅負弩柔荑新箨頓逢伊怒  
那管農夫苦

離亭燕 桂

向住廣寒宮殿春藥不聞聲亂照影落閭浮世界被一

夕風吹斷金粟證前因暢飲過流霞餞 最是夜深寒  
淺恰好月明香遠客去酒闌容款步薄醉微醒參半莫  
忘小山叢招隱何曾心嬾

內家嬌

殘霞收拾了倡家笛吹出按牙檀記晴放夕曛楸枰含  
潤水滑新浴枕簟無塵矇朧是暮鴉烏帽影香麝壁人  
魂素手攜來才過響屨雙肩儂竝小立前軒 下階羅  
襪剗衣如葉最好淺淡無痕說甚舞深衫重歌罷聲吞  
任枇杷別巷秋千閒院我儂厮守得意忘言翻笑隔河  
牛女都欠溫存

滿江紅 壽下九丈七十

玉露金風恁颯颯秋光潛遞看罨畫樓臺深處月華如  
水檀板紅牙新子弟香車寶馬爭遊戲又咿啞似箭走  
摩拖鳴珂里 瓊筵設酒且旨蘭桂秀花竝美傲西川  
程卓商山公季玳瑁筵輝鏡雁足珍珠簾上鈎鸚鵡問  
年來孰與捧霞觴鍾離氏

一水衣襟看莽莽分疆蠻觸問孰是與人無競自求多  
福眼底紅羊經浩劫天邊白鶴難拘束到而今七十兩  
齊眉浮生足 畫閣敞瓊筵簇華燭燒芳塵蹴正菊前  
蓮後快彈絲竹繞鄰兒孫森玉樹登堂戚里傾醞醪倩

丹青寫出小香山銀屏幅

玉漏遲 題吳梅村集

詞人高北宋開篇想見科名巍重年少多才給予翰林  
清俸除卻閒愁中酒便譜出風流情種誰與共花街十  
二青驄飛鞚 洵洵轉燭南朝被胡騎縱橫漸醒春夢  
選調徵歌強半是江山慟莫怪伊涼絕響但一片寒潮  
聲送風雅頌變體不能欺哄

滿庭芳

西下斜陽晚來風弱霞采散盡紅綃青樓夾路飛燕逗  
纖腰兩扇蜃窗開了經行處擲果相招箇儂是徐公城

北先儘鄧通邀 金貂呼換酒珠圍翠繞玉鳳金翹任  
涼州按笛邗上吹簫感起十年舊恨興亡事濁酒頻澆  
江南道龜年太白一樣歎無慘

水調歌頭 白髮

白髮幾時有 擘鏡得新霜 問平生 甚勳業 堪與爾相當  
我欲盡情燒薙 偏又爭先 恐後種種 比心長 護惜因無  
奈 猶較不毛臧 改朱顏 彫綠髻 總尋常 不應老醜忽  
見頂上放毫光 人有看朱成碧 理有疑玄爲白 此事古  
難詳 但共鬢眉在 何用辨青蒼

聲聲慢 剪秋羅



夫容開罷無力秋風又翦葉葉羅衣寄語天孫費將幾  
日鴛機移來時值三月快并刀曾傍春暉春去也一年  
兩度綠瘦紅肥 不較五銖輕重拚七襄組織帶鎖金  
圍淺色宮妝旖旎堪補裙褱隣家乞巧女伴共遊蜂聯  
袂紛飛抽一隻玉簪兒軟款竹扉

新鴈過南樓

對酒當歌壯夫志何妨託與春婆昨非今是爭似不二  
維摩樹外王郎酬謝傅市頭列子遇韓娥歎尊前人皆  
老大一笑顏酡 曩時潞河買棹看錦鱗潑刺釣叟篷  
鏜起來吟月東北白練橫波涼宵露珠的歷漫量去鮫

宮淚多青衫在有香痕塵漬都無奈何

解語花 題羅兩峰鬼趣圖

傾盆雨倒蕭瑟颯寒正客窗人兀一檠明滅纔開卷忽  
現神荼鬱壘冠裳安貼亦似解秋墳嘯月歸去來紙醉  
金迷早賦無家別 幾見防風步闊便屈伸千丈隨意  
飄瞥長頭巨眼相逢處亦作狂花驚葉鬢鬢短髮怎辨  
鼻顴凹凸更髑髏歌舞山林禹鼎饒饕餮

披蘿帶荔若有人兮早被三閭辨兩峰怪眼窮神相又  
作冥游漫汗迷離恍恍夢嚙把傣僊壓扁佉大頭行步  
蹣跚蒲伏因吁喘 也愛小童婉變仗一竿修竹據地

牽犬短奴撐傘高官罷尙怕雨淋風剗無言澳忍惜未  
並啾啾譯轉鬼董狐深夜鉤皴壁上山魃看

意難忘 題水西莊圖

銷夏扁舟愛水西駐泊選勝探幽炊煙低不見鈎月淡  
初浮談往事數帆樓身外認輕漚摩頂悟三生石上曾  
作句留 何人吮筆冥搜似導江界畫石谷綢繆看楓  
空有恨拾芥總添愁歎措大願難酬更買箇林邱莫謾  
使南陽佳話獨擅千秋

查蓮坡居士水西莊圖舊爲王石谷畫久已不傳矣朱導江更

爲查茶垞繪一圖今在華壁臣處嚴範孫見而好之更倩良工摹寫徧徵題詠余爲填此

百字令

故人招飲趁斜陽，恰到童時書屋滿。院槐陰搖細碎，但少寒鴉飛逐。雪夜評詩風檐賭句，夢覺黃梁熟。同羣何在，最難尋舊。蕉鹿。僕指四十年來，英華頓歇，祇爲將軍腹寫韻。傭書成甚事，羌值龍蛇行陸。舌底吞刀，腦中藏劍，俠氣誰能復。一杯沈醉，擊殘高漸離筑。

永遇樂 過太平湖醇邸

一帶紅牆數聲啼鳥，樓閣迴互。記得賢王金封玉闕，往日經宸御。門開車驟，紫衣赤棒，不是大官家數。好時光，瞞人幾易雪鴻，已無尋處。榆錢滿地，楊花糝徑，我至逢春暮。無藥階翻有池泉竭，都爲公民住。呼童汎掃支

牀設几祇見舊時庭樹想佛法颿輪刹那那堪話絮

踏莎行

載餅高陽炙肝章武遊春早被春皇怒豪華幾日已堪  
憐杜鵑唬血風兼雨 萬點青燐一杯黃土纔拚得霸  
才無主悲歌慷慨屬幽燕莫教後艣催前艣

燕歸梁

紀月編年甲子編運會貞元卻愁鷄肋飽尊拳浪花滾  
過驚湍 冰山一旦和雲倒羣鴉渙散如煙錢神不駐  
大羅天潛水底賈胡船

清平樂

打開青甕五石瓢來送不讀劉伶酒德頌爲洗心頭沈  
痛 蒼紅芋大專車嬌黃棗大如瓜醉飽西窗酣睡雙  
成向我窻夔

減蘭

翠華戾止白羽珍禽充內史命坐薇垣霞帔雲冠侍至  
尊 春回寒盡開口常逢含笑鞦韆紉佩無憂況復宜男  
夙願酬

鷓鴣天 海棠

淺碧樓闌茜影窗窅深院落女兒棠沈沈宿醉呈嬌靨  
脈脈含羞膩粉光 雲淡白月昏黃陰晴天氣最難量

頻添安息通芳訊  
心字香浮亞字牆

玉樓春

綠陰如幕垂楊覆  
破葛頭巾新漉酒  
裴回終日不聞香  
空使承蜩腰折柳  
主人大笑吾何有  
伸出拏雲擎日手  
藤蘿一架繫臺池  
水上花閒金玉鏤

生查子

彼美清且揚  
眉語來相就  
今夜好風光  
涼在三更後  
橄欖圓不圓  
兩處尖兒瘦  
隔水望香蓮  
何日能成藕

醜奴兒

愔愔記得燒鐙了  
纔過元宵又值花朝  
寂寞山城一蜨

遙 今年如此春寒重  
帕首圍貂袖手裘羔抵住風威  
有酒瓢

鳳皇臺上憶吹簫

倒挂收香綠毛么鳳爲他个个安巢  
謝海紅生小少婦  
梁僑粉壁半天月上聽別院絃管  
教曹潯陽調陡來心上又逐眉梢  
呶呶今番誤也奈冷落鴛衾孤負春宵  
趁文君新寡司馬琴挑回首梳翎  
刷羽千萬里一瞥雲霄  
鴻泥印翻新花樣也則魂銷

金縷曲 挽喬年嫂劉淑人

稽首慈雲下去來  
今生都了徹者番瀟灑  
勞頓文殊常



視疾方信皮囊是假儘聽得盲詞閒話一點靈臺瑩十  
界見陽烏西下如馳馬姑放穩畫帟杖 魂兮切勿尋  
廬舍有空中天龍八部繡鞵迎迓四相胥捐無箇事付  
與羚羊角挂更莫論兒孫婚嫁回憶蒲團修淨業怕泉  
明醉死蓮花社香火願淚盈把

賀聖朝

烏飛兔走更芳序放韶光輕去蓬萊閨苑衲衣便初不  
知寒暑 花開花謝曾經細注合堯階莫數重重疊疊  
十三回閨月今年過

醉花陰 枸杞

薄采蘅蕪香滿袖夢憶甘州舊病可下層樓佳節重陽  
人與風俱瘦 角鐙初上光疏透閒點金筌讀玉樹後  
庭花拋撇商家記曲拈紅豆

鵲橋仙 指甲花

鉛黃點額珠鈿傅靨見慣司空一笑塗塗指甲未乾時  
莫謾使何郎知道 橫雲卻月洗妝臺畔眉樣新翻維  
肖曉來狼藉在階除應俏罵無情風暴

卜算子 紫薇

聯步探花郎袞袞登臺省散直優游左掖中偃月痕落  
影 勅旨賜緋衣拜舞天王聖獨少山呼萬歲聲鳥語

偏相慶

訴衷情 江西蠟

山村過夏靚新妝  
蘭佩雜芙蓉  
裳寸心別有幽恨  
落拓不見春光  
興廢事幾滄桑  
意難降  
劇憐楚舞消瘦  
虞兮影颺西江

憶江南 剪秋羅

黃葉下有客試輕紈  
映月三更疑濯錦  
裁雲一段好裝  
綿不費水衡錢  
簾半卷  
嬾婦起驚看  
熨帖已無針綫  
迹參差猶見剪刀  
便還較嫁衣鮮

減字木蘭花 青荷蓮

岐王長見竹裏納涼離水殿廿八絲牽海外乘來太乙  
船 慵妝微醉粉頸低垂貪午睡錯認護花占斷秋光  
處士家

南歌子 秋海棠

綠蠟衣裳冷紅絲夢想勞女牆陰下女桑交經慣淒風  
苦雨畏陽驕 歸雁亭亭影驚鴻嫋嫋腰美人香草倩  
誰描濁酒不辭痛飲讀離騷

桃源憶故人 繡毬

須彌芥子難分割大好江山如繡多少周陸方罨誰識  
全毬紐 胸前卍字先編就知把玄關參透南北冰洋

跬步卅六天開又

水調歌頭

綺語不能除去懺悔亦云癡多愁多病心緒寫照向烏  
絲豈必銅琶鐵板豈必色飛魂絕妙處貴知希風趣扶  
雲上一卷衍波詞 奈何天捩觸地殢人時干卿底事  
月圓月缺總情移十二時中生活驅使龍賓鼠僕件件  
鎖相隨夙好誰能愬今古較修眉

過秦樓 苦蟲

噫血憐卿露筋憐我徹夜夢魂顛倒聞聲已近嘯氣偏  
遙待覓去么麼狡羅扇下漸矇朧抵隙投瑕百般滋擾

起來空鼓掌怎能批殺雪余薶媼 一任是屈戍鎔金  
流蘇綴玉莫綰游行斑豹臣飢欲死割肉從廉似可讓  
侏儒飽叵耐貪殘爲伊不住爬搔麻姑鳥爪盼明河案  
戶陣陣霜風迅掃

河傳

花鞦人情睡鳥彪不耐花街日長連朝盼雨如玉漿剛  
剛遠峯明夕陽 與我共茲蕉萃思渾難說樹亦凝青  
睇記書牆插新秧浪浪解衣揮汗忙

宵靜人定步中庭傾耳銀河有聲沆寥萬里淒且清冷  
冷袂羅衣袂輕 除卻姮娥誰共語天難曙露腳迷寒

兔野鷄鳴鼓六更稜稜啟明遙一星

沁園春

大海汪洋後顧茫茫四面颶風正天昏月黑遭逢魚母  
濤飛雨急迫促螭宮焦急篙師呼號舟子著甚支吾此  
日窮相看罷念載胥及溺涕淚沾膺關弓射殺虯龍  
氣象於今應不同怎眠桅失燕斷篷飄蜨長年交鬩握  
稍稱雄蛾焰釵分鬢絲手擘便道人閒千劫空君休矣  
想殷周鑒遠何去何從

金人捧玉盤 抹麗

既宜晴亦宜雨更宜風最相宜初月溶溶柔枝臥晚送

香和冷入簾櫳卻疑花底暗窺醉淺笑春容  
檢詩牌  
疊棋子閒中事樂無窮但悒悒不響喉嚨歌衫舞扇似  
嫌塵世盡麤工問卿家料在天上可否攜從

望江南 客有詢南市者填此畲之

南市好瓦屋若雲屯小築香巢招乳燕深藏窟室駐孤  
鸞翠柏竹林邨

南市好高館泛茶柯似水輸他絃索妙懸河柰彼鼓簧  
何慚媿敬新磨

南市好電影最堪娛漆室何妨句繡烏女牆不礙解羅  
襦顏赭撤闌初



南市好露水正淒迷道是鴛鴦能野宿放將鶉鴿共幽  
棲明日各東西

南市好婉變本疑年韓掾偷香工內媚彌瑕斷袖使人  
憐太息數圓錢

南市好六博有同袍韋后點籌人倚玉昌黎爭道客橫  
刀一擲萬錢豪

南市好番菜不知名揉紙一圍摳肉醬磨餽半盃淪魚  
生鱷臭馬頭爭

南市好遊戲看雙鬢折葦一莖黏蛺蝶削籤三寸射蝦  
蟆留意水行蛇

南市好劇場 上且裴回不翼青蚨飛且去于囊白袷探  
將來轉眼念成灰

南市好新戲切模新都說梅妝顏色姣亦誇譚派調門

眞還是老鄉親

梅蘭芳譚叫天孫菊仙皆一時名伶孫天津產自號老鄉親

攤破浣溪紗 浴

滑膩微聞濯水聲屏山翠懸欲無鏡六幅湘裙梳上影  
印池青 愛好一痕眉月鑑畏人四照眼波橫削掠髻  
雲慵不起拭吳綾

偷聲木蘭花

黃姑剪斷零濛雨碾破羅雲新月吐屈律迴廊難得今

宵是乍涼 隔牆花影人如玉落盡鐙毬紅躑躅一覺  
更譙幾處相思幾處簫

多麗

問前身業緣曾造何因恁胡塗隨風墜落輕嘗弱草棲  
塵悵前途銅駝泣漢追故主禾黍思邠賦就牢騷生來  
婁直感時傷遇不由人便強作脂韋滑笏唬笑總非真  
終留得幾番侘傺兩字嶙峋 更難堪連朝止酒清秋  
一病經旬藥鑪溫疏煙避鶴蒲扇靜涼籟驅蠹擊節高  
歌解衣起舞狂花敗葉莫須嗔惜少卻嵇康咸籍把臂  
入山林無聊賴舊愁新恨繞夢紛紜

如夢令 和漱玉詞

逐逐歸鴉將暮攜手蘇隄一路桃葉不將迎行到晚煙  
疏處呼渡呼渡振起半林棲鷺

牆外鈿車聲驟儂若歸時被酒六扇茜紗窗窺見容顏  
依舊知否知否坐到一鐙寒瘦

木蘭花慢 朱魚

杖藜花下步聽雨匱水中聲正溽暑初收新涼乍到流  
火三庚凭闌一泓洗眼見朱魚唯唯出菱葦大有濠梁  
意興點頭莊叟持平 研脂塗抹爛銀瑩十二墨痕黥  
憶繭紙朝陽飛潛變化小試鯤鵬衣被已無宏願但風

流文采耀人睛豔美臨淵徒倚不同魴婢思烹

霜天曉角

鵲橋喚渡淚灑纖雲縷一桁絲瓜扁豆飄幾點落花雨  
飯顆輒如芋菜根清帶露留我水香山綠且話到月  
明去

平韻滿紅紅 題李貞女事略

弱質盈盈正十五年華始孩甚前約守貞不字息壤關  
懷風木每增人子痛孟蘭羌助女郎哀儘瞻依邾下詠  
南陔學叶平老萊 賭詩謎姑姊來校文藝弟姪偕暢  
一家歡聚吾生有涯天外孤鴻何弋篡林閒媒鳩漫疑

猜費躊躇小照要安排黃土埋

女年十五母病慨然以事母爲己任遂誓不嫁

母歿有知其賢而求之者家人勸駕曰事母之事畢矣不嫁云何也女曰否息壤在彼母葬之日適病命以小

照瘞母壙中年二十五而卒

### 摸魚兒

恁修來一團歡喜了緣朝暮朝暮閒關車去南塘下碾  
碎旅懷羈緒宵暗度疇信道禪心已作沾泥絮野田草  
露鎖空息奔馳馬蹏人迹那若共春駐 重門閉玉臂  
交加鎖住秋衾猶覺寒妒驚迴短夢檀郎訴戶外履聲  
何故君莫怒君亦是東眠西宿精紈袴深閨最苦待守  
到更闌扶將不定早向醉鄉赴

祝英臺近 夏苦蟬又苦蟲友言日本臭蟲藥驅

蟲香均好疾市之試驗有效賦此二闋

蕪檀沈熏艾納那管歎香鴨指撮璠蘇頓使老蟬啞  
緣才到牀邊屠門一過便聽取春葱來掐 久相狎滿  
擬大腹盤跚歸時血猶喋醉倒山公皮骨告消乏願爲  
廣此奇方脂膏民命普天下貪饕無法

鶴筋長魚骨細臭味雜蘭桂三兩枝頭豹腳解迴避容  
余一夢華胥都成昨日應比似鷓鴣班矣 鏤窗闕獨  
自忙下簾衣深防半絲泄鼻觀商量先怯不平氣夜涼  
飽飮香厨氤氳使者領略得阿難禪癖

水龍吟 留聲機

一盤圓走烏珠便摹出可人情韻笙篴鉦鼓箏琶色拍  
歌聲遠近江上峯青湘靈不見爲傳幽恨正洋洋盈耳  
鵝鷓忽叫忙扶起斜行壘 磨蝎命宮休問向筵前每  
央紅粉揚州小調邯鄲小曲轉喉猶吝手握樞機眼明  
鑪錘傲他香吻繞梁能幾日眞聽徧廿四番花信

臺城路 電鐙

頻邀月入華堂裏不分晴暝弦望夕照籠煙暮霞餘綺  
一顆掌珠擎上是光明藏任雨箭風梭更教神王透徹  
中邊金絲捲蠹早荷樣 長繩繫來礧礧推移勞翠袖



莫愁偏向落蕊敲棋爆花卜信疇昔事成虛誑助余惆  
悵似嬾婦膏油擣菹彌亮少遜空王十方無色相

柳色黃 風扇

火繖高張少女潛蹤小閣人悶乍添一縷秋颺疑是晚  
涼來趁輕羅疊雪珊珊玉骨冰肌已無汗液融香粉移  
坐向檀欒情話容相近 休輒雷車激盪蟻磨盤旋不  
差分寸大轉輪王恰好解吾民愠今番快也莫管竹悴  
荷憔悴頭春且開佳醞只苦醉鄉中老眼生花暈

笛家 喜晤金十丈向辰歸自漢口

花發西樓月寒東井白蓮鏡底解鞍人在中秋又墨淋

勻染漢上題襟夢塵乍落津門呼酒北地燕支南朝金  
粉是處隨緣有歎勞生撫華髮擾攘一番別久 憶否  
睽離百二桐陰鏤翠午睡方長麥浪翻黃宵征無偶未  
稔永日凝妝妝罷悶裏只知挑繡雁燕前頭衍波牋到  
休去窺楊柳恁良夜忍空拋繾被熏成豆蔻

洞仙歌 折枝晚香玉得重臺者未開時骨突作

淺紅色芳烈妖冶秋花尤勝賦之

研南甌北倩幽花相伴素襪凌波玉人面訝前宵醉月  
未解春醒嬌臉上微暈紅潮色泫 又重臺宛抱雙結  
雌雄不信秋風感團扇纖手摘來時一抹斜陽渾疑似

指痕輕按只醜鵠差同薛芸娘任鎖骨玲瓏暗中偷換  
夜闌人靜有妖姬同夢分隔形骸只香送口脂輕褪後  
吹氣如蘭曾告我儂喜羸牀空洞 憶蒲桃苜蓿舊日  
芳鄰寶馬馱來幾家種秋雨下秋風秋士含毫省識幽  
情爲花頌待和了新詞寄還君恨紙帳低迷膽瓶冰凍  
秋容黯淡盼湘蘅沅芷欲注騷經隔江水屈平輸後死  
未識燕雲高寒況伴取霜娥月姊 短屏兜不住曲檻  
長廊蛺蝶尋來悵疏綺兩翅自低昂口角噙香終難到  
卷髻花蕊但比似羊城素馨毬問北勝南強孰爭衡是  
閒階鬪草彙羣芳無數姹紫嫣紅淺深處拈來開笑口

若个稱強難覓對祇把枯腸輪數  
籬根兒女散雙咽  
蟬嘶多少秋懷向秋訴拭點點  
嘒痕欲寄還疑天涯有  
美人遲暮奈一夜殘荷雨瀟瀟  
眞聽到消魂不如歸去

東風第一枝 壽韓芝舟同年

老去佯狂秋來強飭旗亭一夕游  
冶花枝遍插延年好  
寫入耆英社鷓鴣杓大滿斟  
綠蠟香浮乍是舊遊屈宋  
衙官祝紫薇郎純嘏 我亦蹇  
驢隨駿馬共四度春闈  
矮舍希鞦韆臙奚辭且料理  
壽筵杯斝休言怕醉想世  
事只醒時怕倩行廚疊指書符  
攝取西池妖姪

雨中花慢 讀朱詞咏河豚泊蟹似皆在天津之

作因憶天津竹枝詞三月河豚八月蟹兩般亦

合住津門之句不覺朵頤遂分賦之

插柳栽松祭埽歸來河豚初上舡舷

俗謂河豚魚墳在通州清明祭祖故

魚大至歸時於潞河取之

爲藏珠剖腹个个勻圓咋得西施膩乳疑

人在五湖船想東坡不死我輩欣逢莫嚙空涎 萋蒿

帶苦橄欖含酸鼎烹翻助芳鮮難解說屏山背後悄立

心寒無毒曾聞海客探詢蜚雨蠻煙蕪鱸風味筍櫻時

節失喜登盤

李調元粵東筆記粵中終歲食河豚不聞遇毒

狂客無腸公子無腸相逢鐙出紅樓正山蘊罷擣邨酒

新筠盥露纖纖玉手剝將夾舌螾蚌有畦邊晚韭籬下

霜菘味足高秋 筠籃約半縛就青蒲橫行難望潮頭  
畢吏部槽邊一醉飽我冬羞雅贈含黃伯號崇封那管  
監州蔡君謨誤長卿前世終是清流

菩薩蠻

銅鈿挂樹春陽午綠毛綬帶隨風舞觸索起驚疑鳥飛  
花亦飛 天絲颺不斷理去心還亂咿啞下鄰鷄燕雙  
人獨棲

臨江仙 落葉

落葉當階人未埽秋園一片商音蕭蕭撼撼總難尋明  
河何處雨白月幾家礎 點水便爲槎上客渦旋籬角

牆陰薄寒侵袖且橫琴不知風乍定惟有候蟲吟  
搖落不禁悲宋玉高槐我是東鄰垂髫猶記北牕深一  
鐙腸欲斷聽到夢中雲 苦恨金天胡自喜教他墮溷  
飄茵繇華消盡幻耶眞鍊形須換骨留作隔年春

大酺 丙辰十月初三夢書楹聯亡妻爲按紙醒  
而苦兩終日兀坐寡儔感而賦此

甚得千愁萬愁絕便把青天愁破廉纖還浙瀝打窗閒  
一例葉零枝墮擁被思量夢魂昨夜半晌惺忪枯坐寒  
衣憑誰寄想長楸短草妖狐野火縱剪碎秋聲催開暮  
靄紙灰風裏 浮雲容易過百年事究竟先歸妥看鏡

裏頭童齒豁老入花叢祇教他小娃眉鎖領取孤眠意  
自檢點袁安高臥須不用卿憐我空庭簾幙冷雨階前  
斷續似微聞道可可

行香子 酒令以黑白瓜子三之二之共五枚任  
藏一二三四枚於掌中一人猜之先奇偶次數  
目次花色以兩合者爲勝名曰握子蓋藏鈎之  
遺意也

素手脂凝纖甲葱青泥金禿袖腕微綳眉梢眼角山顛  
波盈有一分嗔二分醉十分情 黑白縱橫三五零丁  
擲杯誰作不平鳴先迷後得欲拒還迎是者般奇者般



拗者般精

臨江仙 佛手

是否兜羅棉手頻將豎指相招非心非佛總蹊蹶喜聞  
香世界懺悔握蕘苗 只恐駢枝多處低回不耐吹簫  
有時合十卻難調淡黃爭月影虛白舞雲翹

賀新郎 亦香納姬賦此賀之

南市鏡如晝四輪開鬢香衣影馬馳車驟難得續紛飄  
瑞雪全爲紅妝白叟掩映著玻璃窗透輦踏氍毹花下  
拜恁娉婷盈尺腰楊柳今日事莫須有 觀心何若觀  
情竇想者回程表朱裏細心研究酣暢淋漓京兆筆還

是髻蘇結構作不到雙彎眉皺把一天愁都埽卻盼來  
年白瓠兒綳繡屏六曲翠衾覆

海東春令

欲言鸚鵡前頭事惜沒箇珠兒能記袖底舊唬痕反覆  
看來是 一尊清酒湘妃祀問斑竹何人善淚歸鴈下  
斜陽不寫相思字

被池香褪儂和彼戀殘夢鶯聲喚起莫謾怨流鶯日上  
三竿矣 無端卸了雙鴛履忍輕笑隣垣有耳梅雨憶  
泐滂鞦印雙丫婢

點絳脣

西北風尖送涼偷向紗幮度隔窗聲是階下高梧乳  
蹙損雙蛾背著菱花去珠光泣燕欺鶯妬共竹夫人語

八節長歡

天上春多最難邀取老福婆娑風來人白紵雨過地青  
莎池亭無處著塵埃看數頭金鯉拋梭試問烏衣巷燕  
此樂云何 茶煙裊裊雲波清睡足攤書且遣詩魔一  
領有餘歡佳子弟贏他洛下行窩含飴樂盼異日昆玉  
同科如如爾真機流露丹青枉費呵磨

傳言玉女 報載日本天皇以十五萬金聘梅蘭

芳演劇亦風流之佳話也小梅海外遊蹤發軔

矣賦之

最好相思不見若人如雪六郎丰貌較蓮花莫別瀛海  
淼淼想像饒涎空咽倭船滿載寧馨尤物 響遏行雲  
曼聲遲凝 去 又絕舞衫初試帶長帟不揭非耶是耶一  
个常儀奔月算來徐市未生時節

海外扶餘傲彼藥師紅拂舞臺扮演問何人巨擘三俠  
邈矣企慕太原帟展鐙熒酒醞醉鄉頭白 滿地戈鋌  
戰蘆塘冷瑟瑟后妃皇帝亦名場一劇花枝笑儂骯髒  
鬢髯如戟英雄兒女淚痕凝赤

一叢花 詠女伶劉喜奎

春三桃李帶煙濃無意嫁東風柔腸但解葳蕤抱最煩  
嫵說與梳櫳京華夢遙津沽望斷兩地記遊蹤 弓腰  
帖地一何慵新病酒杯空芳容只合公同好又誰許閉  
置樊籠儻父思維縱黃金萬那有惜花悰

河滿子 輓楊英甫

生小性兒槽枥何堪滿塞牢愁七尺昂藏腰腳直亦須  
檐下低頭空想蛇珠美報換來蟻夢都休 萬斛紅潮  
歎灑一腔熱血奔流百歲光陰今已矣讓他謠詠啁啾  
短檝溪邊新鬼清明淡月如鉤

洞仙歌 題楊柏枕石園詩集

風瀟雨晦對書鐙無伴十紙瑤章覺春滿問平生蓄有  
多少涕洟襟袖澆說盡情長氣短 相州鴻爪迹清沁  
清潭難得參苓病魔轉到此日團圓一室兒孫消受者  
菜根香飯待覓我詩來便揮毫是不老仙方又將誰怨

換巢鸞鳳 題楊小坪海天放鶴圖遺照

弱水三千被橫風引至小結仙緣荷樵人不在倚操悟  
成連斜暉鶴背任踟躕夢回坡老江皋幾年淮南隘僅  
帶去一家鷄犬 春晚行緩緩身外佐卿飛過蓬山遠  
花底科頭竹間箕踞莫放玻璃杯淺華表歸來舊令威  
怎忘東海揚塵感涼颿催葉雙眸對此珠泣

永遇樂 消防隊

九陌雷轟三街塵碾人去如鶩咫尺驚疑霞城十二火  
箭妖蛇吐井泉清冽桔槔活潑綰住祝融燦怒履周行  
煙食土氣灑來一天涼霧 旌旗照眼兒童嬉戲空打  
幾聲鑼鼓杯水車新風號電激那有纖微補同心協力  
當年豔說到此盡成迂腐判機事機心得失灌園不語

瑣窗寒

理學欺人清談誤世想來悲憤名高厚利縹緲一樓嘯  
蜃好頭顱阿麼自知血黏鬢鬢從容認到疑冢七二分  
香賣履老瞞徼幸 無佞天教定彼未造君臣不聞猛

省貪財贖貨未審所居何等更紛呶羣小枋權夢酣臥  
榻涵劍影上方刀縮項潛逃忽改金源姓

江月晃重山 廊外蓄百靈能學呼大姐姐聽之  
宛肖賦之

偃仰便便腹笥硯花香沁心脾一聲聲姐姐呼之楊家  
妹知是號姨來 作片雲遮檻影團沙燕落梁泥鶯捎  
蜨拍正淒迷十叶平旬暇調舌尙酣嬉

杏花天

溼雲低樹東風嬾柳綫拂瓜皮船板蜻蜓跼跼烟波遠  
落紅更無人管 篷背後吟髭細撚放不下黃鶯兒囀



待余寫出歌長短祇恐流光暗轉

河傳  詛庵讀余詞謂櫻口不如檀口作此調之

櫻口檀口總芬芳謾說傾城短長桃腮捧過剛付量丁  
香任教人斷腸  嚼碎檳榔宿膩儂無睡鼻息喧笳  
吹要評章太荒唐新孃阮郎狂不狂

春風嫋娜  誅華貞烈女

歎芸生冤苦是女兒身剛強煞亦依人埋頭去做五紋  
針繡鏡台溫嶠潮上紅雲嫁外黃奴從汾陽壻卻扇才  
知眉一瞋膽小空房淚珠滴孤鐙儂影不成春  打破  
迷團幾陣雙飛雙宿讓時俊自覓良姻儂無分總前因

菩提波若鐘磬微聞季子要余敢煩荆蹇陀羅爲崇竟  
翦芳林玉魚金椀賸如弓新月年年冷照三尺荒墳

天仙子

併體

鶴髮鷄皮休咄咄老頭光面如圓月一經鑄像受歡迎  
男兒血冤家孽見了阿兄都滅絕

廣坐稠人辭喋喋熱心公益雙眸裂竭來我亦有商量  
交通摺中國帖不受恐君情意竭  
不受恐君情意竭甚麼銀子輕於葉只因愛好有交情  
風聲劣人心別秘密些兒休要揭

高陽臺 摩拖車

我馬虺隤僕夫況瘁春郊怎豁遠眸大陸仙人偏能駕  
屋遨遊排空馭氣追飛燕窄路逢哮喘如牛歎權衡在  
手何須出入鳴騶 琉璃四面雕樓擬蠨蛸叶平腹蟹帶  
壳沈浮列子馮虛天風不住颼颼何期地藏王開眼驀  
爾閒兩盞鐙毬莫倉皇反振機關壑粉方休

百字令

徐定超御史溺死虹口招魂後降乩於

其家約期撮影竟得之余見其榻片宛然但黯  
淡耳此亦新學之可愕者也

一箇黴黯吸收將縷縷毅魂強魄勝國衣冠還宛在雨  
折林宗巾角萬里滄瀛澄波印月是否騎鯨捉先生仙

也幾番來去如昨 世亂事雜言龐江干諸子方競靈  
魂學攝影竟傳真色相描對虧他冥索變幻黎邱猙獰  
罔象妙手空中摸良霄爲鬼可知餘氣猶惡

西江月 滄酒

醞絕賢人微中甜多大戶猶嫌鬱金浮出更堆尖喚取  
盧仝茶椀 衛水河中雙檝滄州城外三灣麻姑美酒  
久相傳雪壓蘆花帘捲

明月逐人來

沮洳卑溼圩田交錯長沙小不容馳馬板廬漆室拳曲  
轅駒者舉目莓落滿瓦 遊客京津占籍魚魚雅雅閒

談到歸家轉怕白沙白草高燥如臺榭勝似他鄉梧櫨

驀山溪 題姚品侯玉照

聽風聽雨數載同林鳥判牘役形神試相看何人不老  
岱雲淮月踏寸寸征塵鷓鴣笑鷓鴣叫失卻當年少

臨池日課早契坡公妙幸健筆如椽雨香亭堪容舒嘯  
書生結習己自誤功名過嶺轎遊山纛一任時賢好

綺羅香 題姚品侯天涯行腳圖

桑下浮屠棲遲信宿狂笑重逢無恙八十行童忙煞趙  
州和尚驚笠重泰岱霜寒訝衣冷舒廬風颺息肩時越  
水吳山高挑又向竹篷放 琴棋書畫累贅還藉橫磨

劍盪開纏障具大神通拏住化龍禪杖填海恨精衛勤  
劬補天術女媧惆悵更面壁消歇音塵草鞵閒五兩

卜算子 菊有徐家紫一種卽姚黃魏紫之例相

傳吾鄉前輩徐菊圃先生以藥變之遂成斯名  
今可稱爲總統花矣

脫卻老僧鞵爲踏三津水卓錫徐園不計年新著袈裟  
紫 勺藥相公身榴實科名記待到陶潛發迹時前事  
無倫比

十六字令

花約我樓頭品細茶閒談罷還與撥琵琶

吟萬籟無聲月照琴飛鴻遠絃外有知音  
歌手拍新翻曳落河低聲好識曲愛哥哥  
寒早起無心畫遠山風濤惡耽閣藁礎還  
風一斗桃花撲面紅消停些不要大王雄

春夏雨相期

記年年三春遲誤經秋百卉叢燦半畝荒畦尤愛菊華  
爭豔千枝繚繞亞疏籬五色繽紛橫孤館剝啄鄰家看  
花無阻一行香伴 陰森土潤塵輒認板橋陳迹曉霜  
人遠吸露餐英招得屈原魂返薄綿衫子趁輕身聚頭  
摺扇敲閒腕緩步縈紆指點猶疑老奴談健

賣花聲 題陳恭甫畫菊

花事上眉頭冷豔全收一枝一葉盡夷猶沈澹心傳張  
洽去取法園邱 調弄粉膠投鑿黷凝眸爲他拚得九  
秋愁墨客臥遊聲嘖嘖品是高流

瑞鶴仙 館中杜鵑盆景盛開沈孟起曰杜鵑紅

似火問其下句不屬王子芳覓得乾蜨置花間  
一笑而去遂成此闋

杜鵑紅似火位置雞窗前琴右卷左泥香瓦盆妥有重  
櫺隔絕小蜂巡邏王喬入座符檄來太常仙跛

太常仙  
左翅

不完有跛仙之號  
見徐士鑾宋豔

黑章與白質相參舊友李唐張果



姑坐芸編蠹簡蜀帝殘魂血痕沾腕年湮莫攷空述說  
拾餘唾待尋思惟有秋山楓葉比賽渠儂得過但傳神  
只在多多楚人曰夥

### 金明池

朱氏家規黎明卽起較闢宮門尙晏三百日煙霞供養  
把丁夜乙夜數遍隱星光換出朝雲窗內外蟲飛鴉散  
始倚枕追隨金枝公主半面殘妝偷看 反側雞號催  
午飯縱啟臉吹毛澁開雙眼儂今病精神未返容我睡  
黑天休管待經過月上鐙斜有兩淚流腮連珠呵欠已  
四體蘇甦新機徐引一度輪迴剛轉

東風第一枝 楊氏廢園中多喬木夏秋之交輒  
有多人擎鳥籠於其牆外木立良久不去若有  
所伺者詢之乃知鳥皆紅脖馬蘭花二種以能  
呼胡蝶秋涼爲上品胡蝶秋涼者蟬嘶音也故  
於叢林下使其耳熟能詳但得一二聲卽奇貨  
矣噫菽之不可已也如是夫

大樹蒙陰頽垣蔓草高林愛煞公冶雙紅馬蘭花雛翹  
足把筠籠挂百金聲價回眸笑傲呼哥姐是逼真技擅  
雕蟲一串珠喉傾瀉 指顧東西留意者莫向灌夫學  
罵盤空怕有蒼鷹更風大敗牆飄瓦驚魂一轉再弄舌

亦嫌音啞兩三行雀躍人歡到晚聽他鐙炮

拜星月慢

水淨楊枝茶烹白鶴蒼狗雲開月整眼倦拋書對半庭  
花影絹鐙下信手拈來一炷是淡巴菰香梗餘味回甘  
助鳳團龍餅 記朱明呂宋風行甚迨清室徧後宮妃  
嬪敵住瘴氣寒淫勝阿芙蓉隱醉人時亦似醇醪酪終  
須戒嗜好誰能屏看灑灑出戶青雲吸長勞祝哽

浣溪紗

小院無人秋氣深好風吹過隔牆碁匡牀璧月照孤衾  
雁北雁南催歲暮欲歸未去費沈吟蟲聲如雨亂庭

陰

河滿子

簇簇猩紅衲襖尖尖鳳嘴絲鞵驢背斜風眞解事颺他  
障面紗開回首低詢阿姥可將白速香來 片席堪容  
雙剎虔誠敢避塵埃清磬一敲扶欲起于思庶祝生財  
偷眼隔花人遠小姑心事誰猜

眉嫵 京津之俗有玩草蟲者如蝻蠅油壺盧之


屬啟其翼以藥傅之清雄特異亦嗜音者流也  
余非同好而聽其樂道津津不倦頗有人巧奪  
天之妙造物者謝不敏矣因爲賦之

噫嚶嚶蟲耳取煖俛寒人力奪天巧日月壺中大長房  
術爲移春入秋杪曉窗客到一二三探出懷抱好都魯  
玉夏金敲裏又流水音遶 神妙開關通竅是炙簧清  
脆吹瑄要眇同好逡巡至樓梯下傾聽偷寫心稿倚囊  
藉問徧九城京國還少更强似泥盆籠蟋蟀鬪錢鈔

解珮令

楚儉燕客胡盧掩口笑何爲擅此搬蘊技山抹微雲亦  
只愛太虛佳婿幾曾憐秃翁流輩 南唐二主納蘭公  
子隔千年倚聲誰寄老淚闌珊有優孟箇中真意便儂  
紅豈能寬譬

賭棋呼酒花朝月夕暢盤桓有二三知己畫壁旂亭暫  
指正當筵雛伎願支離一生身世黃鐘改律清商音  
絕待吹邪屬於民事隔八相生亦天地自然終始要更  
張豈非兒戲



春屑曲

摘得新

碧窗夢

瀟湘神

桂殿秋

擣練子

江南春

法駕導引

一夜落

憶王孫

如夢令

三首

天仙子

四首

思帝鄉

連理枝

水晶簾

望江怨

長相思

一痕沙

減字木蘭花

三首

浣溪紗

二首



好事近

秦樓月

阮郎歸

三字令

人月圓

攤破浣溪紗  
二首

賀聖朝  
二首

朝中措  
二首

陽臺夢  
二首

惜分飛

望江東

南柯子  
二首

醉紅妝

浪淘沙

虞美人

一翦梅

蜨戀花

醉春風

青玉案

離亭燕

內家嬌

滿江紅 二首

玉漏遲

滿庭芳

水調歌頭 三首

聲聲慢

新雁過南樓

解語花 二首

意難忘

百字令 二首

永遇樂

踏莎行

燕歸梁

清平樂

鷓鴣天

玉樓春

生查子

醜奴兒

鳳凰臺上憶吹簫

金縷曲

醉花陰

鵲橋仙

卜算子

二首

訴衷情

憶江南

南歌子

桃源憶故人

過秦樓

河傳

三首

沁園春

金人捧玉盤

望江南

十首

偷聲木蘭花

多麗

木蘭花慢

霜天曉角

平韻滿江紅

摸魚兒

祝英臺近

二首

水龍吟

臺城路

柳色黃

笛家

洞仙歌 五首

東風第一枝 二首

雨中花慢 二首

菩薩蠻

臨江仙 三首

大酺

行香子

賀新郎

海東春令 二首

點絳脣

八節長歡

傳言玉女 二首

一叢花

河滿子 二首

換巢鸞鳳

瑣窗寒

江月晃重山

杏花天

春風嫋娜

高陽臺

西江月

明月逐人來

驀山溪

綺羅香

十六字令  
五首

春夏雨相期

賣花聲

瑞鶴仙

金明池

拜星月慢

眉嫵

解珮令  
二首

右目次

詩以道性情正風俗明禮義也詞則不然其志淫其氣靡其辭纖而縟其音噍殺而哀蓋優俳之所蓄倡伎之所弄也而亡國之士宜之余幼時案頭得詞律縱讀愛而憚之將求師而從學焉奄忽五十年改步改玉實親見之怛然有動於中適王君詎庵宦成歸里詎庵固先余而爲此者喜而往叩之不吾告也曰此非古人之所云云爾復叩之曰能歌乎曰未也並吾世而有能歌者乎曰未之聞也上而至於朱竹垞萬紅友何如曰莫之或知也然則等於自鄒以下而已世有師曠則將投於濮水之上矣是卷多成於乙卯之夏己未之春以其

用力也勤而得失也小姑存之如法老人自跋

